

性燭生青焰心香裊紫煙命燈結正玉花鮮慧目看金蓮 此
箇山侗雅趣出自風仙師父一朝九轉大丹成玉帝詔仙卿

蘇幕遮

在長安弄鐵馬騎道友索詞

馬風兒悟玄理不向簷楹看您成家計參從風仙何事喜舞袖
輕搖撼動聲清美 勝驂騮無縈繫不戀銀鞍免使人鞭捶驀
地玎璫聲韻起自在逍遙直上青霄裏

鬧角兒梳得好妙手奇功悟後呈些巧箇箇踈來無倚靠各各
惺惺蠅虱須教少 張打由李飽老見我風狂鼓掌呵呵笑此
箇機關人怎曉返老還童內外成顛倒

道藏輯要

漸悟集

聖

胃集七
川八上

贈張善道

耳門聞心煩惱日日憂愁不覺容顏老眼做看門招病早口是
禍門德喪身忘了 鼻玄門通大道日用不動喘息綿綿好傳
透九宮成至寶久視長生雲步歸蓬島

到萊州復歸甯海辭墳

此回來緣甚故不謂營生不謂兒和女不謂榮華誇五袴思憶
劬勞特地辭墳墓 奠酒時開地府九祖生天共結神仙侶非
是修行難救度何必三牲祭祀千千數

別鄉

棄榮華披破蓆養假崇真茶飯須求覓忘了從前親與識此別

鄉關恣意閑遊歷 主人翁須愛惜六賊三尸慧劍頻頻劈逗
引靈童常跳躑真樂真閑大道成無極

勸長安道眾

苦海中勞四大競利爭名箇箇皆甯耐爭把元陽都損壞前有
輪回著甚機謀解 道門中超三界太上巾包悟者欣然戴意
淨心清無罣礙固養靈根性命長長在

看送孝

有微言深可說免死狐悲傷類聲悽切人見人亡甯喜悅大限
來時莫也無分別 願回頭搜秘訣猛捨家緣頻把心猿歇修
鍊金丹收白雪九轉功成永永無生滅

道藏輯要

漸悟集

巽

胃集七
川川三

別子

出凡籠無繫絆落魄焚航日作無常觀十四兒孫都棄拚自在
逍遙風月爲吾伴 背葫蘆攜鐵甌壺貯瓊漿甌內靈芝按渴
飲饑食增算天助真風有箇瑯瑯喚

自害風

遇王風風傳我風發颺颺風害家緣破拈弄風颺團水火風子
颺颺風韻閑吟和 順風行迎風坐飲罷真風更枕清風卧施
布仁風功行大白許扶風風裏成因果

贈馬公

好雲遊是馬鈺幸遇華宗一見如親族拜禮從今爲骨肉仰荷